

人物志上

忠義

宋

黃介字剛中隆興分甯人意氣卓越喜兵法制置使朱禛孫帥蜀介上攻守策禛孫愛之以自隨夏貴辟充廣濟簿尉平反死囚尹不能抗錢真孫復辟入幕及與真孫別誦南八男兒死爾語以勉之後家居帥鄉民登龍安山為保聚計德祐元年北兵至皆眾奔潰介堅守不出且射且誦而中六矢不為動顧謂家僮陳力曰爾盡力勿走力曰主在

義甯州志

卷之二十四

人物志忠義上

死生同之介身被鏃如蝟面頸復中十三矢倚柵而死力亦死妻劉被掠子用中逃得不死及壯求母四方逾十年得於京師以歸州里稱為黃孝子云 宋史

胡敬方武鄉帶溪人德祐中任臨江路僉判元兵至率眾死守屢拒戰誘之不肯降及城破元將張宏範執至瑞州不屈死之元將函其首北去家人以其身歸葬焉 豫章書 事聞

詔贈太常寺卿諡忠節 胡氏舊譜

元

吳德文德機莫以中俱州里人至正壬辰春草寇掠州境德文等起義兵從州判楊宗訓等守武昌 田 數與賊戰於南

樓嶺後復與吳仙里祝興可合兵追賊游清溪於黃岡墩
累戰累勝俄以伏兵四起而敗宗訓謂德文等曰我世受
國恩以身報國分也若等各宜逃生德文等泣曰相公既
不負國恩我輩豈敢負相公邪於是奮戰宗訓被殺三人
隨就執以中奪監押人刀自刎德文德機俱死之

死義傳

祝興可號北莊奉鄉人元季癸巳草寇殘破州治興可遂設
策起集丁壯發自儲廩接應州判楊宗訓以圖恢復至正
十三年三月率衆隨同楊州判討王鐵師賊平五月二十
五日寇首余祐二來侵吳仙里時民多疫興可戰敗徑奔
平江總兵官皂溪張差許鎮撫田大王統兵五千餘人同

義甯州志

卷之二十四

人物志忠義上

二

興可之兵於十月二十九大破余祐二衆於樓霞橋俘馘
者數千人余祐二遁匿興可暨邑義士余天常吳某等總
兵會搜捉以火爆其岩擒獲余祐二斬首梟示於是境內
綏安至正十五年十二月興可會兵駐中峯山二十六日
寇婦吳娘子劉院判軍在高嶺相遇與興可交戰至是義
兵食盡興可亦力乏因被執沿途不食罵賊弗絕於長溪
之地罹害洪武元年十二月庚申子明原等招魂安葬
毛仁可本州人至正壬辰二月糾集鄉兵隨定江巡司劉儼
拒賊尋死於難其時游孟莊黃居簡俱死之

姜本道宏安曲溪人至正癸巳與弟本源隨州判湯盤克復

州治從安鄉起集義兵賊黨余祐二率眾追至道源家與賊拒敵爲賊易勝所擒兄弟俱受害

方珉字志宏廣潭人有識量元季盜賊蜂起一家五百餘口相繼陷沒獨珉脫身鋒鏑中憤懣不平由是率里之右族聚兵相衛縣尹聞其能乃檄鄉眾各執戈甲聽其約束卒成保障之功有司白於上乃詔封萬戶侯

周天與高市人嘗舟行次武甯西渡寒夜有婦人抱子將就溺急令人救之詰其故曰夫性悍暴偶外出令售所豢豕以需公私不意受值贖者過半夫歸鞭撻死矣天與惻然卽探金如數與之慰諭令歸不復問其姓氏元季盜起統

義甯州志

卷之二十四

人物志忠義上

三

鄉兵登中峯砦保障其地捍禦有備賊不敢犯全活甚衆一日巡行至西隘無疾而卒年四十三舉砦爲位哭之子維翰維甯維德俱有文名放情邱壑更相倡和有周氏華

夢集

胡宗武字義翁武鄉帶溪人敬方孫學正性初子少儻任俠有祖父風至正間紅巾倡亂連陷州郡時天完軍裨將陷甯州歐普祥陷袁州壬辰陶九再陷新昌民苦兵火眾推宗武爲主武乃與新昌鄒用中毛忠吾毛性吾等於逍遙山下南瑞界要害處立古陽大寨分守箕谷搖籃石陂等寨彼此相援屢敗賊兵追奔數十里地方賴以保全後

太祖幸隆興聞之勅爲提舉

鄉匪石達觀樓集

明

陳龍一名隆字文顯龍峯人元季邑有劉姓者兄弟三人暴劫鄉邑龍父均祿爲其所殺因痛憤率族子弟募義士得數千人登仁和寨殺賊殆盡鄉里賴之以安鄰邑聞而趨附者日益衆聚至萬餘人壬寅太祖平江西時龍遣弟陳良奉表歸附授武昌衛指揮僉事轉龍驤衛指揮同知洪武四年征開平卒於軍中贈龍虎將軍

有輓詩附藝文

義甯州志

卷之二十四

人物志忠義上

四

州平沁水出太原取大同至鹿臺陝西唐鄧蘇寨孟陂克平之功皆預焉授武德將軍武昌衛管庫軍正千戶尋陞明威將軍金吾前衛指揮僉事卒於家

蕭良字純如別字雙溪武鄉人狀貌奇偉幼卽淹通六經中洪武丁卯經魁以獻策授浙江監察御史建文時靖難兵起草竊肆掠時有嫦娥洞賊每侵邊境屢逆王師權奸惡良剛直計欲陷之舉良往勦良至其地微服僞爲教讀之士直抵洞巢賊主延爲西席贅爲東床絕不知備良乃密計內應復約兵外攻一戰而盡殲之捷聞轉陞右御史凱旋時爲永樂二年甲申元日過荻溝驛賦詩云欽承皇命

出楓宸荻驛停驂遇甲申玉犖滿斟新歲酒繡衣不染隔
年塵九重雨露恩波潤一路風霜號令新從此豺狼莫當
道張綱何必再埋輪忠愛之情溢於言表既抵京師正色
立朝彈劾不避權貴良體豐肥性復直慤成祖每呼爲蕭
胖子朝臣又稱爲蕭直人十年乞假歸未幾召還朝奉命
出使西洋國王強欲臣之不屈而死尸竟未獲南歸子孫
招魂葬衣冠於芭蕉溪盜發其塚復改葬於蓮花山

周瑾字伯榮三王巷人天與之孫也永樂甲申舉孝廉授交
趾望江鎮金場大使時交趾方新造尙未內附文皇策遣
之踰常祿以卹其家瑾受命辭行以老母幼子托其妻止

義甯州志

卷之二十四

人物志忠義上

五

攜一僕往既蒞任推誠撫馭夷人懷之逾數歲交人叛攻
金場甚急瑾悉衆禦之衆寡勿敵死焉同邑鄒縣丞歸言
其事家人具衣棺爲招魂葬於犀津官塘山子銘孫叔襄
曾孫季麟季鳳皆知名

周季珊高市義興坊人少從族兄康惠學舉子業酷好史鑑
兵書醫畧未竟爲州椽正德癸酉奉新華林瑪瑙寇亂屠
瑞州城州守牛命季珊統督義兵守毛竹山朝夕設備幾
一年餘寇不敢犯己卯有宸濠之變州守汪當達聲息京
師衆規避莫前珊獨毅然曰爲臣死忠矧數千里之行乎
遂請往倍道奏聞因召諭成事與否朕欲親征珊對曰以

臣叛君事不必成來時撫臣王守仁集兵勤勦即日捷聞何煩駕征遂命送戶部賜酒飯新鈔歸嘉靖初武鄉賊起蔓延崇奉州守孫知珊有才畧命統官民兵五百人討之生擒渠魁熊舍人等十餘人斬首百餘人招諭脅從甚衆賊遂潰後給予冠帶歸省遂無仕進意常與兄康惠倡和詩篇及講解明新至善之學人有傳誦者年七十六無疾而逝族弟季翔亦以孝友行義聞

國朝

許文龍字雲樓奉鄉人明季諸生博覽羣書於歷象星宿及奇門遁甲兵法皆通曉闖賊自楚蹂躪州境文龍練義勇

義甯州志

卷之二十四

人物志忠義上

六

保禦鄉里何忠烈騰蛟開府武昌招文龍未赴委授監軍大兵下江右金聲桓遣人招文龍不從率民逐我所置官吏屯兵奉鄉聲桓乘間破州城遂攻奉鄉圍守三月文龍糧絕乃走保界首砦食盡被擒不屈死之

平文朗字明字康熙乙卯五月載坤甫蕭長子乘機倡亂擄掠鄉村楊將軍統大兵至西源朗與族武庠德昇職員錦卿團練堵禦敗蕭衆千餘生擒坤甫生甫兄弟解州事平保獎千戶

冷朝旭邑庠生國初時有族子某勇力絕倫謀不軌投楚寇受僞號劫掠州郡橫行江漢間一日歸族人僞置酒爲

壽酒酣武生亘華潛以鐵椎斷其臂猶躍百步外卒擒之
朝旭執送有司比見形狀魁偉咳唾風生冀或有用將釋
之旭曰虎狼之性詎能馴矧激之怒其肆毒安可測耶遂
正典刑雍正四年

勅朝旭入忠義祠

胡宗定字寓棻別字此園武鄉銅鼓坑溪人舉乾隆乙卯鄉
試六上公車不第主講濂山書院品課嚴明從學者恆數
十百人辛丑挑發陝西試用知縣以親老改近湖南丁憂
歸五十三年服闋仍赴秦中歷署三水西鄉吳堡南鄭宜
川諸縣卓有循聲五十九年補鎮安縣邑在萬山中民耕

義甯州志

卷之二十四

人物志忠義上

七

山爲業多逋賊遇事動相格鬪宗定催科撫字傾誠化導
民心悅服而邑大治嘉慶元年正月奉文緝拿竄匪獲賊
首十餘名已而湖北宜昌匪教倡亂蔓延鄖陽大兵進勦
絡繹供張籌辦方畧冬安康邪匪復熾團練鄉勇堵禦時
官兵未至躬率士民堅守城池賊逼境不能犯二年六月
署孝義川同知兼五郎通判旋檄往鎮安採買軍糧諭鄉
民各立營堡賊至與力戰退則防守鎮安賴以全接解軍
餉三次日馳三百里至褒城驛遇賊匪突至官兵奮勇血
戰賊引退急策馬休旅館疾作怔忡數日而卒三年八月
鎮安紳民籲請方伯奉入名宦祠八年陝撫祖之望制府

惠齡會奏查明陝省歷年承辦軍務因勞病故各員懇
恩量予

卹典奉

上諭着加恩照軍營陣亡例

賜卹胡宗定着加贈同知銜入祀昭忠祠卹賞銀三十兩葬銀
五十兩祭銀三兩廕子胡一鴻入監讀書學習六月期滿
以縣丞銓選宗定居家孝友居官勤慎品學交修詩才清
俊著有此園集若干卷歿後

恩賚優渥而一棺停厝尙在湖北蒲圻新店鎮新店士民哀其
忠禮而葬之 以上甲申志

義甯州志

卷之二十四

人物志忠義上

八

周伯壘崇鄉人嘉慶三年教匪倡亂督率鄉勇摧鋒陷陣太
守蔡齊明詳請咨部崇祀省垣忠義祠補遺

胡美玉下崇甘溪人嘉慶三年教匪竄境率里中健兒堵隘
大軍至導搗賊巢亂遂平太守蔡給予金花綵紅 聖代

躋關額補遺

雷封字官一號寸圭又號霽巖西鄉沙坪人由舉人大挑二
等授安遠縣教諭在任十餘載惟以訓士化俗爲念諸生
有涉訟者必召之入再三開導安遠士風因丕變焉任滿
截取知縣不就擢廣信府教授抵任以來培植文教大得
士心時粵匪竄亂襄理軍務旦夕勞瘁咸豐五年賊撲城

封顧其子與僕曰予嘗讀書至成仁取義輒不禁三復之至此可決所從矣城陷封朝服北面再拜端坐明倫堂賊以封屬教官麾之去封怒罵不已遂被害城復見棺斂於堂啟視面色如生子發鳴僕羅勝門斗張國書三尸糾結於旁廉學使兆綸徐庶常謙羅忠節澤南李忠烈續賓皆弔以詩時城民有爲賊擄出述其狀乃知封之棺賊斂之蓋亦隱服其忠也事聞加都察院經歷銜世襲雲騎尉附祀府城謝疊山祠

黃得雨泰鄉懷遠都人以武舉署九江千總膂力過人咸豐

三年二月粵逆犯州西鄱州牧札飭督勇堵勦戰於渣津

義甯州志

卷之二十四

人物志忠義上

九

大敗之賊遁得雨追奔十數里賊集大股回鬪我軍驚潰得雨馬蹶踏地身中百數十鎗肢體斷裂事聞優卹 贈都司銜蔭一子世襲雲騎尉

戴邦懷武鄉銅鼓人武生咸豐三年粵匪犯州西界帶勇堵禦戰於馬市陣亡事聞 贈外委銜蔭如例入祀江省昭

忠祠

盧從龍武鄉懷遠都人武舉前署義甯州千總咸豐五年粵匪圍州城從龍督勇堅守目不交睫者二十晝夜城陷死之

林起鳳武鄉懷遠都人前署義甯汛外委咸豐五年粵匪圍

州城督勇堅守城陷殉難

丁桂林字冰玉號香輪庠生西鄉路口人咸豐五年粵匪竄境帶勇堵禦清水橋殲賊首數十級伏賊四起與親弟省交陣亡奉 部照例議卹入祀昭忠祠諸同事及鄉紳弔有詩逾十餘年里人不忍沒其忠義建嵒祠於路口萬壽宮左置田租以供祭祀其弟省交附焉監利徵君王柏心有記

戴定魁武生崇鄉人咸豐四年夏粵賊陷武城定魁帶勇隨官軍攻勦賊敗棄城走官軍乘勝入城防禦稍疎賊復攻陷定魁死之事聞 賜卹附祀省城昭忠祠

義甯州志

卷之二十四

人物志忠義上

十

胡履震號竹筠安鄉人世居州治以廩貢授職訓導署臨江府教授改就縣丞分發直隸補授良鄉履震潔己愛民闔邑德之致仕歸遇梓鄉公事靡不首倡經營道光辛丑崇陽鍾人傑之變咸豐壬子瀏陽徵義堂之警兩次辨防履震之力俱多癸丑甲寅粵逆屢犯州境履震籌勦籌防心力交瘁乙卯夏賊大股撲城履震請於州牧飛檄告急一面堅守二十餘日省援不至城陷履震趨州署見州牧葉公殉節愛蓮池隨仗劍奔出與賊巷戰力竭被害親姪伊松與焉事聞給予雲騎尉世職襲次完時給予 恩騎尉世襲罔替

鄆濬發號梅孫武鄉人歲貢生年七十餘咸豐五年粵逆陷城濬發衣冠坐於廳前賊至大罵不屈被害高市生員曾文達亦罵賊死事平均詳請 優卹

藍如春字福東武庠生咸豐三年粵賊圍省城如春帶勇援勦事平賞給守備銜五年賊撲州城督守經兩旬城陷與子懷清團勇劉益萬葉廣全何元昌詹聲遠象新等巷戰陣亡先是其父與弟偕武鄉吏目職何元思帶兵進勦戰死五里坳

冷煜瀛號仙洲歲貢生仁鄉東源人性豪邁敦氣節道光二

十三年楚匪滋亂隨州牧周巡防南樓嶺等處咸豐二年

義甯州志

卷之二十四

人物志忠義上

十一

瀏陽告警團練有功保授南康府都昌縣訓導咸豐四年春粵賊蹂躪州境煜瀛招勇堵勦聿著勲勞五月五日賊偵團勇無援長驅入境煜瀛與弟其炳永熙伯溫力戰死之妻盧氏奔救罵賊立斃子忠勉姪一陽定元及義勇五十六人同時陣亡父元壽被擒次子瞻淇抱頸號泣願身代賊乃釋之事聞煜瀛其炳永熙伯溫俱卹蔭如例崇祀江省昭忠祠盧氏亦

勅建節孝坊一時名臣鉅儒以額旌以詩弔者不絕云

董朝佐泰鄉武庠生咸豐四年賊屢由武甯犯泰鄉朝佐督團堵勦戰無不勝五年賊撲城奉札帶勇入城守禦城陷

朝佐督勇迎戰大呼殺賊手刃數人力屈被擒賊見其狀
貌魁梧授以偽職取錦袍加其身朝佐掀髯抗罵碎擲之
賊怒鼓刃刺殺血濺賊面生疽死同死者余成鰲蘊和文
立愛池月望亦誥揚福揚波揚華揚吉陳載畊鑑吾運晉
黃文鰲羣福武生韓翥雲吏員韓耀堃武生楊愛月汪鶴
州

魏滌清武鄉懷遠都人孝子廷聘之曾孫也咸豐四年三月
粵匪寇州城旋竄擾漫江山口等處所在焚擄清恨甚邀
同里呂懷德率鄉勇擊退明年四月賊復犯州西界清與
懷德扼要守梅嶺賊從間道夜圍城隨率全軍往救戰於

義甯州志

卷之二十四

人物志忠義上

三

良塘不克退固羊坳明日復督勇戰於龍潭峽大捷斬賊
首二百餘級乘勝驅至五里坳賊大集地勢險窄後隊不
繼均被害賊恨其奮勇剖腹而去事聞給雲騎尉世職
曾承暉武鄉懷遠都人布理問職咸豐五年粵匪圍州城帶
勇往援迎戰城西五里坳死於陣

萬方楸號少圃安鄉人文恪公承風之季子也

欽賜舉人家州城咸豐三年在省協辦軍務事竣歸五年五月
城陷方楸督勇堵禦不克犇回家廟賊至脅之降不屈遂
遇害城復專詳奏請 優卹

溫茂球州治人以行伍補銅鼓營外委每出戰奮不顧身咸

豐五年城陷與安鄉九品軍功龔意泉均力竭被執不屈
磔死

梁經魁字國香號祥雲崇鄉官溪人跣跣不羈有膽畧粵西
賊起魁年十五仗劍從戎累功歷保都司賞換花翎尋陞
游擊同治三年克復金陵以副將用 賜號侃勇巴圖魯
五年賊寇黃蘄湖北巡撫曾國荃飛檄召魁以一旅予之
禦寇於四口永澧河等處血戰連日不克遂揮軍獨出爲
士卒先以援軍不繼陷沒事聞 贈總兵銜賜卹銀七百
兩給騎都尉襲次完時給予恩騎尉世襲罔替

帥從龍武鄉武舉同治四年提督宋國永統兵至湖北金口

義甯州志

卷之二十四

人物志忠義上

三

潰叛竄州境從龍奉檄帶勇堵勦尾追越境遇伏力戰陣
亡奉

旨照千總例議卹

王離照號南垣咸豐五年賊圍城在局辦理軍務五月初八
日城圍急語其妻早自爲計妻誓同死越日城陷離照與
妻攜幼子投龍王井賊去後於井中得數十尸離照夫婦
猶彷彿可識

童詠春廩生崇鄉石門人以辦團功保舉訓導咸豐五年粵
匪撲城詠春督勇守禦城轟身先士卒截戰逾時力屈死
壯勇童勝益享干文通文樸文杞絢俠絢鏡絢鉛耀英振

位等十人殉之五月九日巳時事也

查逢王號曉村州治人庠生軍功保舉六品咸豐五年粵匪寇州城逢王登陴督守歷二十晝夜未嘗就枕席城陷死之事聞卹蔭如例

王昭贊字仲明泰鄉人從九職目瞽能任事咸豐四年粵賊犯境昭贊乘肩輿督團堵勦迭獲勝仗人呼爲瞎眼龍以功賞六品頂戴五年賊圍城昭贊不以目瞽諉帶勇入城城陷賊以其瞽與之食昭贊翻几上椀敗地張髯大罵賊怒殺之其胞弟日贊浩贊子裕虞傳鍾鎮鍾牲鼎豐譽蔡黃運心光練王俊禮俊榜俊全俊隆參雄元春余揚秀亦

義甯州志

卷之二十四

人物志忠義上

西

芷楊芬重山象方揚導鄭光興雷紹仁劉象韶安麒殉焉熊魁高市人向隸銅鼓營積功委署州外委乙卯州城被圍魁巡視西門城陷督勇鏖戰力竭被執脅之降終不屈賊礮殺之同時有練勇王詡干偕子懷清皆死之

李清華號白香庠生奉鄉龍坪人才志倜儻不羈咸豐四年粵匪撲州城清華居圍城中協力防禦賊遁清華不言功五年粵匪復寇城陷清華率衆巷戰衆潰莫支遂遇害呈請

恩卹入忠義祠

廖連埜武鄉懷遠都人從軍四川保舉副將銜江西補用參

將賞換花翎同治元年督勇勦賊受砲傷身故咨移江西
巡撫奏請 贈總兵銜世襲騎都尉罔替

鄒鳴祥號鳳岡武鄉銅鼓人由行伍歷官至九江前營游府
咸豐十一年克復銅城尋帶勇進勦新昌力戰死之

冷見日字寶樹道光二十五年以南河議叙湖南試用從九
二十九年署新田縣典史咸豐四年署汪華典史兼錦江
巡宰時粵寇擡塘見日晝夜籌防心力俱瘁一日賊大至
死之妻王氏備棺殮殮葬於善化事聞給予卹葬如例世
襲雲騎尉

熊培元字竟成奉鄉郭城人任浙江石門縣典史咸豐十一

義甯州志

卷之二十四

人物志忠義上

五

年賊攻縣城城陷與弟平子垂文姪森望均被執不屈死
冷占春字卜魁仁鄉東皋人武生咸豐五年四月十七鍾賊
由西鄉過打鑼嶺占春與六品軍功冷采蘅督勇對仗血
戰逾時家寡不敵占春陣亡同死者一百十六名采蘅字
殿楹身受重傷肉潰而亡

周維嶽州治人庠生咸豐五年粵逆圍城嶽晝夜巡督苦守
兩旬城陷被執脅之降嶽曰而欲我從耶而豈不知而爲
賊耶我

王家秀才可殺不可辱速死唯幸賊怒磔殺之其子承新愛
寬孫定勝能勝得勝加璪加壽姪典滿加瑗曾孫詳燈詳

月詳金均巷戰身亡事聞給予卹典

孫崇本字寶田西鄉塘城坵人太學生咸豐四年楚匪竄境

倡辦團練同遊擊吳錫光督勇於苦竹嶺力戰遇害奉

旨從優議卹入祀昭忠祠世襲雲騎尉其子事備隨父勦賊亦

陷陣劓裂而死

陳寶珩號小山州治人州設團防局襄辦軍務五年五月城

陷見執罵賊不絕賊怒支解之其胞兄訓球訓琅俱巷戰

力竭同時遇害

石成瑛號東域州治人監生耽吟咏著有三味齋詩稿咸豐

五年城陷成瑛倚門罵賊遇害弟敬康巷戰力竭暨子姪

義甯州志

卷之二十四

人物志忠義上

六

家人皆殉焉

陳德恒號清域州治鳳山人候選主簿通判陳偉三子也咸

豐五年城陷賊衝家大索被執罵不絕口與其幼子木同

時遇害城復詳請優卹世襲雲騎尉入祀昭忠祠

陳松泉字瑞賜州治鳳山人從九職咸豐五年四月粵匪圍

城軍餉支絀捐助銀四千兩督兄弟子姪守通遠門歷二

十晝夜無少息城陷力戰死之賊入其家索金帛其父耆

賓竹軒奮臂大罵賊怒併其胞兄世位子兆吉姪兆伶等

男婦十五人立時殲戮尤可慘者其媳余氏方娠賊執不

從剖腹子出呱呱而啼僞統帥聞之立命停刀甯城始有

遺民見烈女傳事平詳請優卹世襲雲騎尉崇祀昭忠祠
張濟美州治懷遠都人庠生咸豐五年州城被圍濟美襄辦
局務城陷其父奏銘罵賊死妻何氏抱幼女赴井死濟美
自局歸抱父尸大痛賊挾之去不從遂被殺事平詳報議
卹如例

盧鎮字長庚號少白盧源人太學生居州治好行義舉咸豐
二年粵匪滋事奉 李憲諭督勇防堵四年賊入泰鄉督
勇殺賊多名 葉憲詳請以州同候選五年賊圍城招募
壯勇偕弟鎔守禦秀水門罄家藏以濟軍餉城陷血戰陣
亡事聞蔭卹如例 贈都察院經歷銜入祀昭忠祠

義甯州志

卷之二十四

人物志忠義上

七

甘祥林高市人候選未入咸豐乙卯四月粵匪圍城州牧募
勇守禦祥林繞陣周巡歷二十晝夜無少息五月城陷大
書城破身亡可對君王等句於壁旋督勇截戰遇害時兄
立德弟若霖文芬曉沾姪應時黎章棋章穗章等八人均
赴陣死若霖亦吟有絕命詞從容伸大義空洒英雄淚藐
爾七尺軀交還天與地等句題柱城復見者感嘆事聞卹
蔭如例入祀昭忠祠

戴邦平武鄉銅鼓人隨父寶三歷辦防堵帶勇勦賊咸豐六
年粵匪竄銅城邦平禦之被擒不屈死

何宗唐州治人以從軍勞績賞給五品頂戴咸豐乙卯四月

粵匪逼州城宗唐督帶弟宗任姪仕蕙仕饒仕荀仕苓仕
恭仕芸仕藻登陣防守五月初九城陷並戰死姪孫金萬
金滿金生亦被執死其時宗唐同室殉難者男婦蓋二十
餘人云

徐震輝字善詞安鄉塘夏人咸豐四年襄辦州局軍務五年
賊撲城局紳多逸出震輝誓死不去時其子盈杏盈枏姪
盈杭盈東盈健盈均盈華均以貿易在城震輝督率登守
二十晝夜無少息城陷賊擁入震輝父子被擒賊酋見震
輝魁梧二子亦英偉誘之降均不屈死其姪聞之奮身鏖
戰殲賊數人同時陣亡事聞 賜卹入祀昭忠祠事載江

義甯州志

卷之二十四 人物志忠義上

六

省忠義錄

陳日昇號瑞軒州治鳳山人椽考吏員六品軍功咸豐乙卯
四月粵匪圍城州牧募勇守禦昇奉札巡查併給令旗爲
團練長帶同親兵繞陣巡哨歷二十晝夜無稍懈城陷昇
猶揮兵巷戰躬被重創死其子世櫻姪世棉姪孫兆蔚等
十八人同時戰沒妻熊氏聞夫被害攜四歲幼孫投繯死
詳烈女傳奉 部照例優卹入祀昭忠祠

胡殿魁字再可武鄉帶溪人武生膂力過人咸豐乙卯粵匪
圍城州牧札委帶勇防守青雲門日夕謹嚴不避艱危五
月初九城陷猶手刃數賊不敵遇害事聞以把總撫卹崇

祀昭忠祠

熊謙字賡陶太學生奉鄉郭城人咸豐五年粵匪陷州城謙與族人佑然師元師成晃望牲望勝然勉然亦辰恒望起賢均殉難

胡秉芳號香苑武鄉帶溪人太學生咸豐五年粵賊撲城州牧葉札委督勇防守北門城陷被害事平詳請卹典胡組賢字雲錦號織圃武鄉帶溪人揮霍有才道光十五年州建義倉樂捐穀三百石議叙縣丞銜咸豐五年寇圍城奉札督勇防守兼辦軍務城陷殉難事平奏請撫卹崇祀昭忠祠世襲雲騎尉

義甯州志

卷之二十四

人物志忠義上

九

冷向陽字莘臣仁鄉人讀書工文咸豐五年隨母在城五月寇至督勇登陴城陷母徐氏囑其逃向陽泣曰何忍棄母去哉同赴水死互詳烈婦傳

莫懷玉字遜渠武鄉人性豪俠常面斥人非不避權貴閭里重之咸豐五年粵匪寇州城團勇救援懷玉慨然爲營長戰於良塘殺賊十餘人賊遁明日復戰懷玉與同里魏滌清身先士卒直抵城西五里坳路狹伏兵起均被擒不屈賊支解之

劉節文奉鄉人咸豐五年粵匪圍州城節文年八十一攜孫福填福地登城守禦五月城陷均殉難

許百綿奉鄉柘溪曾家坪人咸豐四年勦匪有功保舉六品
五年城陷與堂兄百通族隆期思升華期步高達期叢又
巷戰力窮死

林思烈州治懷遠都人咸豐五年粵匪入寇城陷死之

鄒奇端武鄉懷遠都人咸豐十一年六月賊犯境端避山中
忽有賊焚鄰居端持鎗出鬪被害聞者義之

沈宗襄周書饒介遠西鄉人咸豐五年粵匪犯界宗襄周書
等督勇禦賊於石冲均俱力戰陣亡

冷伯良號炳臣痛兄嫂諸姪死難與弟姪輩招勇復仇是年

七月十六從蔣軍廳督率鄉勇萬餘與賊戰於西平鄉之

義甯州志

卷之二十四

人物志忠義上

三

馬頸地方受傷成疾不起二弟亦以憂憤相繼歿鄉里憐
之

樊希晴字日暄仁鄉墨田人咸豐四年秋賊犯西平從蔣軍
憲督勇萬餘進勦適天爰中暑腹痛猶持戈殺賊力窮死
之

胡人騏字弁英帶溪人純篤有至性年廿四失偶義不再娶
咸豐十一年粵逆入境騏隨父糾團防堵父被圍騏奮不
顧身連斃二賊父得解脫騏被擒脅降不屈賊叢刃刺死
事平未沐請卹以感惜之

胡伍賢帶溪義門人本農氓有忠憤咸豐四年四月十五日

髮逆初出瑞入境適遇洪水伍賢子身馮河持矛斃賊二人以無後援被害

胡莘正追正覽正則脉俱帶溪人咸豐五年防守州城城陷殉難

胡詩正則均經賢鄭賢則堅則聰則沾金賢洧賢希吉俱帶溪人咸豐十一年四月初八日粵逆李兒統衆數萬入境鄉團潰散均被害

周允龍周餘慶周克隆周昆山胡炳仁吳步挺梁生明黃海東咸豐五年賊圍城設局製辦火葯允龍諸人董其事城陷賊擁入局脅之降不屈遂火其室均焚死時局多硝磺

義甯州志

卷之二十四

人物志忠義上

三

衝擊震轟骸骨粉碎

徐廷瑞州治人咸豐五年城陷遇賊於巷放聲大罵賊磔殺之時其五歲幼弟四保隨之均被戕

冷立夫仁鄉東源人咸豐四年七月從 蔣軍憲禦賊於西鄉馬頸攜子經百督勇力戰與族玉昇同時陣亡

冷輝斗仁鄉東源人咸豐四年五月西賊入境與弟福東爭先抵禦被擒不屈罵賊而亡

冷備九仁鄉東皋人居州城義井巷咸豐五年四月賊撲城備九登陴督勇晝夜勤勞軍餉不繼罄所藏以濟城陷與其眷屬十餘人同殉

詹雲成字望賢城內龍泉人咸豐四年與親姪六品軍功逢祥奉葉憲札辦團練五年四月賊圍城復奉憲諭募勇千餘防守城北賊夜緮城雲成生擒十餘名城陷血戰陣亡事聞賜卹如例

何榮漢職員居南門咸豐四年奉憲防堵五年賊圍城以母命出貲助餉晝夜勤勞城陷死之弟國樞子自遠同殉事聞世襲雲騎尉

盧鎰字晉楠號少梅賞給軍功六品咸豐五年督勇守城城陷血戰陣亡

李紹青高鄉嵐野人咸豐乙卯粵賊薄城偕姪遠球登陣守

義甯州志

卷之二十四

人物志忠義上

三

禦歷二十晝夜不疲城陷巷戰死之

蔡志倫奉鄉人咸豐五年賊至志倫應募入城守南門城陷賊擁入志倫偕姪趙方持矛巷口殲賊數名旋有賊從後衝擊力不能支均被執磔於市

周瑞廷州治人從九職咸豐四年州辦防堵瑞廷捐貲助餉踴躍急公賞給八品頂戴五年賊圍城瑞廷帶勇巡城二十晝夜無少懈城陷血戰經時力窮斃命事平詳請卹

典

車其昌太學生崇鄉八甲人咸豐四五年州團練捐貲督辦六年粵匪復竄境屢督勇堵禦賊啣之六月十四賊猝至

奮勇力戰眾寡不敵其昌偕姪宗壁鄉勇廿餘人皆死焉
事聞奉

旨卹葬如例

吳世漢字緯章號襄雲泰鄉人咸豐三年粵匪犯順奉札辦
團率著戰功請獎六品頂戴五年四月賊大股圍州城世
漢帶勇救護迎戰於走馬岡力竭陣亡事聞 賜卹從祀

昭忠祠

涂起賢涂世梅涂瑞升俱九都人咸豐五年粵賊撲城奉札
督守兩旬城陷死之其同室涂起伉起儷起環承億承模
隨殉

義甯州志

卷之二十四

人物志忠義上

三

涂彩星泰鄉拾科里人咸豐五年粵逆寇城星叔職員涂驥
雲募勇助守飭星督帶入城城陷殉難時團勇同死者七
十六人

鄭本登字玉寬泰鄉人咸豐五年粵賊陷城登持矛截殺殲
賊數人力屈死時又有安鄉饒宇明饒克昇克晟鄭光樸
光信均鑽均銘光亮光元光朮光和光清光夫光恭光發
光柏繆立江併力陣亡

安鄉八品軍功涂承明咸豐五年城陷賊擁入殺其七十九
歲父耀拔明奮臂大踞殲賊數人力屈死

周廷照西鄉桃溪港人咸豐五年城陷與其女翁查耀周壻

查達高子祥啓陷重圍中奮身鏖戰手斃數賊力竭同時陣亡

陳世仲州治鳳山人咸豐五年粵匪陷城仲促妻何氏二子一女赴井死旋自從之

泰鄉太學生陳九思咸豐五年五月逆匪竄境九思督勇勦禦殞身鋒鏑事聞 賜卹

泰鄉耆民陳叙蘭急公募義鄰族頌之咸豐五年逆匪犯境與兄仲雅辦理團練均陷陣亡

奉鄉職員張懷標咸豐五年四月賊撲城奉札督守南門晝夜抱桴登陴匝旬不懈五月初九西門城轟標揮旗大

義甯州志

卷之二十四

人物志忠義上

三

呼曰速往速往此刻賊尙未大入也且踞且走猝遇數賊殲之賊擁至猶力追奮擊鎗折被禽賊酋貌其修備授以衣冠標裂而擲於地賊怒叢刃刺死

余自沆泰鄉人從九銜咸豐四年逆賊犯境屢戰有功五年投城守禦城陷陣亡



義甯州志卷第二十四

人物志

忠義下

熊肅冠匡竇賢皆西鄉人咸豐五年粵匪竄境戰北熊負老
母年八十匡負祖母年七十餘賊追及罵不絕口俱死之
徐祥發軍功六品高鄉良塘人咸豐五年粵寇攻城發統率
西關義勇五百名守通遠門城陷死之軍士同殉
查易含高鄉人咸豐五年賊圍城易含隨其叔增生騰芳率
勇救援戰於龍潭峽殲賊多名受重傷不支墜崖死同陣
亡者二十九人

義甯州志

卷之二十四

人物志忠義下

姚節文泰鄉七都人咸豐五年募守城垣城陷與其伯叔兄
弟世忠世生繼珠繼庚繼新繼賢繼模繼延繼椿同里黃
均英等血戰陣亡事聞崇祀昭忠祠

涂起儒九都坪田人咸豐五年城陷與其子茂華孫理垣姪
孫理陞等全家遇害

熊必元泰鄉人議叙八品頂戴咸豐五年粵匪圍城督勇防
守青雲門五月初九城陷衝突賊鋒寡不敵衆力盡陣亡
姪師玉勇丁鄭本扎本伏本學許顯華顯富劉慶夫典星
黃治祿奮勇決戰同時遇害

陳名中州治人充州書吏咸豐五年粵匪圍城帶兵巡守五



月初九城陷偕姪本敦巷戰身亡

劉作章號義臣仁鄉水門人咸豐四年賊屢犯境義臣奉憲募脩太平嶺關卡七月二十六賊擁大股衝關義臣督戰不克死之黃映華同時遇害

王俊候選從九查樹芬候選未入俱州治人咸豐二年奉札襄辦局務勤勞四載五年賊撲城帶勇巡守目不交睫者廿餘日五月初九城陷二人相對泣血誓死各揮旂催勇巷戰力竭被執均自刎死樹芬合門男婦五口皆殉

徐國顯高鄉中垵人從九職咸豐五年四月逆匪圍城國顯督勇赴援至杭口地方賊以大股蹙之歿於陣

義甯州志

卷之二十四

人物志忠義下

二

徐煥山州治人從九職咸豐五年五月城陷督勇截堵秀水門血戰陣亡一家男婦六口盡遭殺戮時吏員張效忠子則敷與溫顯三劉廷樹均以督勇當門禦賊同及於難

楊錦春里居未詳奉委防堵州境咸豐四年三月州城被圍錦春持矛出城擊斃執旗賊目數人圍遂解乙卯夏賊復圍城調守西門城破被害

徐盈瑜字霽峯安鄉人監生咸豐四年賊撲城瑜合廣勇戰於西關外賊鋒遂挫州牧葉濟英酌酒勞之獎八品頂戴明年五月城陷瑜與子廷忠暨弟姪輩均巷戰死時監生孫承本八品軍功鄒漢秀徐祥慶亦殉焉

查宿生從九職查炳芬佾生州治人咸豐乙卯五月城陷督
勇堵禦陣亡時有從九職查辰吳紹澄安峯團首韓玉庭
亦血戰死查光諒光誥光誥光誥光璋光琳光瑯易傳用
和同殉

查青雲州治人從九職入防堵局襄辦軍務咸豐五年五月
初九督勇禦賊西門陣亡子占璘福元占選占達男婦大
小十一人盡遭荼毒合門殉難竟絕嗣福元文章罵賊斷
舌旋以鐵釘釘其身而死占選武健有力隨父禦賊西門
奪賊稍力戰不克死福元妻盧氏占選妻李氏均擊賊死
見列女傳

義甯州志

卷之二十四

人物志忠義下

三

熊文炳字序占州治人舉鄉飲咸豐五年五月城陷見執賊
以其老欲生之文炳罵不絕口賊怒脅之以刃傷其左臂
截其髮不屈予之食不食卒被害

余仲鰲字惠東泰鄉人咸豐四年二月粵賊犯境仲鰲督團
勇迎勦殺無算賊乃遁三月圍州城力戰解之五月賊屯
武甯之清江仲鰲督團進勦賊懼退踞武甯城旋犯洋湖
港口仲鰲督團堵禦擒殺多名七月賊復侵港口凡旬日
十餘戰皆捷九月乘勝追勦賊大潰以功保干總尋增募
丁壯爲官軍前驅克武甯十一月奉 上憲札調赴援均
有功五年四月賊撲城州牧札飭入城守禦城陷仲鰲手

又五人眾寡不敵賊生致勸之降仲鰲眦裂頰張罵不絕口賊怒磔於市

徐邦傑州治人咸豐五年粵逆之亂傑偕諸父昆季登陴苦守五月初九日賊用地雷攻城城陷傑督勇力堵轟口賊不得入旋硝燄熏天力不支被害同死轟口者約數百人傑叔自荆弟盈琨盈璨盈琮姪廷瀚廷泮廷沼廷智及徐自新自端廷熊皆與焉傑死後婦女殉節者七人

查呈彩武鄉山口人咸豐三年湘潭敗匪竄境呈彩與同里監生謝桂榮及子姪輩督勇防堵被賊包襲力不支中傷咽喉死桂榮亦被戕賊旋入呈彩室焚劫一空

義甯州志

卷之二十四

人物志忠義下

四

查連甲武鄉人咸豐二年查炳辰任廣西宜山縣令連甲隨辦軍務頗著勤勞保舉軍功外委勦賊陣亡

盧泮字采藻仁鄉水源人從九銜咸豐四年團練鄉勇七月十六從蔣軍憲督勇萬餘進勦楚匪在西鄉馬頸接仗至唐城均奮勇爭先被困後隊不繼力竭死之

陳開育泰鄉人咸豐五年五月城陷開育偕男堵禦頸被斫喉系未絕抱行數十里抵家十餘日死

陳勛字樹聲州治人咸豐五年五月賊逼州城勛率次子兆麒姪兆慶兆麋禦之被縛同時遇害其子庠生慕荀招魂以葬

徐霖字秉金安鄉人讀書不遇咸豐五年賊撲城州人多縋城逃走霖攜幼孫盈柘居城中盈柘請出不聽日夜登陴巡守目不交睫者兩旬城陷手刃二賊祖孫遇害

黃琢成安鄉人居城東街咸豐五年五月城被圍有挈之走者答曰此劫數安可逃耶時子躍衢在側麾之亦不去城陷遂同死

溫容字瑞中熊清字鑑澄皆學中書吏咸豐五年五月城陷容不屈被害清持刃殺賊同子高宏死之

熊湍然州治人徙居州之塌溪善音樂咸豐五年聞警回州城城陷隨團勇巷戰被執不屈死

義甯州志

卷之二十四

人物志忠義下

五

查可南州治人業醫六十餘年活人無算咸豐五年五月城陷賊衝入見其年已八十欲生之可南罵益厲擲杖擊賊首一怒踣地立時氣絕姪占雲占霽孫連森同殉賊義之掩其尸於鼓祠後

賴振衢州治人監生入品銜咸豐四年襄辦團務五年賊撲城振衢登陴督守城陷被害同時九品銜何祖忠祖恕六品軍功何體虔子繼東姪繼棣繼淑弟晉楠從九何順昌李加堅監生黃光槐議叙從九監生何映瀾查鳳儀盧寶成九品軍功朱衣點易丕成盧會東等均局辦團勤勞數載圍城之役或巡查或防守同時陣亡家屬亦多遇害

袁海武鄉東潁人父武舉徙南良醫也海傳其術咸豐六年七月賊目偽將軍朱竊踞大墩怒海等與其族姪玉懷督團練拒阻又值夙疾復發因以重賞賄土匪之初從而素識海者詐稱兄病求診預伏數賊於途挾至營許以疾除釋之且餌以金海不屈語傷賊賊怒鞭之罵不絕口斷其手罵益烈遂以石鑿齒塞喉以死其族姪玉懷仍督團拒勦敗賊於本里之東潁橋又敗賊於奉鄉之觀溪事平保獎六品職銜勞傷成疾尋卒七年海之子監生心泰爲其父呈請 賜卹入祀昭忠祠

張才裕高坊人咸豐五年城陷巷戰殉難

義甯州志

卷之二十四

人物志忠義下

六

黃受烜字雨亭雙井人道光辛丑舉鄉飲咸豐三年逆匪滋擾奉札督辦團練堵勦有功咸豐五年粵逆由州西界窰入賊衆我寡鄉人駭愕受烜率長子棠督本村團勇接應官軍戰於雙井野鴨湖棠驍勇敢先被擒脅之降厲聲大罵賊怒刃之同殉者黃正斯等四十六人受烜生平忠厚每日清晨誦所求處處田禾熟但願人人壽命長二語鄉里共稱長者時年已七十有六自恨不能再作勦賊計遂投黃文節公墓前塘水死三日猶屹立不僵見者爲之感泣入祀昭忠祠

周芬州治人咸豐四年粵賊犯泰鄉奉札帶勇堵勦獎給五

品軍功五年賊撲城芬督守兩旬不懈城陷巷戰陣亡其子忠令忠含隨殉事聞給卹如例

梁修文字憲章下崇鄉官溪人咸豐五年攜兩子一孫教讀捕署城陷均殉難

陳鴻禧州治鳳山人佾生咸豐五年四月粵匪圍城同叔秉南振我振後督率兄弟子姪日夜登陣守禦城陷其子兆榮兆華兆貴姪兆祺兆愛兆蕃兆師兆日兆煊兆銑兆明兆理弟世懷世懌世謙世仁世忠世篤世機希祺兆嘉等與賊巷戰死之

盧朝東下崇古源人咸豐五年粵匪由通城竄境東率鄉勇

義甯州志

卷之二十四

人物志忠義下

七

禦賊於塘城均兵潰被執罵賊而死

陳本元高市南橋人咸豐五年粵匪犯城元偕兄典六大墀弟本福本祿男煥光姪煥文登陣守禦城陷全家遇害同死者有泰鄉余自榮自茂楊煥揚汶亦保等合門殉焉

胡迪吉號慶平州治黃土嶺人議叙八品咸豐五年粵匪陷城與兄堅定弟日章秉成蘊龍爲質名昌龍魁攜謙巷戰陣亡母劉氏聞變攜媳余氏投井死

查輝萬高鄉三十五都人咸豐五年賊撲州城同子寶樹督勇守禦城陷父子巷戰力竭遇害

周文彬州治人軍功九品咸豐五年四月賊大股犯州西境

文彬先送母石氏避鄉村囑幼弟逢源隨侍自偕仲弟逢吉奉札督守北門五月初四夜賊扒城逢吉引刀殺之旋有賊從城下施放火箭中逢吉胸間立時斃命初九城陷文彬奮身截戰死於陣事平詳請 賜卹

周卜禧號海鴻州治人例授從九咸豐五年賊撲城偕弟元禧子緒發姪茂敷美德重姪大乾防守秀水門歷二十晝夜無少息城陷衝鋒血戰同時被害事聞 議卹如例
陳泰鳳州治人咸豐五年賊撲城督帶州城廣魁社練勇防守廣魁門城陷血戰捐軀

徐盈裕字全倫泰鄉人素務農能明大義咸豐五年賊圍城

義甯州志

卷之二十四

人物志忠義下

八

裕率團勇救援戰於走馬岡爭先赴陣斃賊二名力窮殞命

何凌瀚字廷玉秦市人候選從九咸豐五年在局辦團城陷與賊對敵陣亡事平詳請 典祭葬世襲雲騎尉

徐盈壽泰鄉人咸豐五年賊圍城壽偕姪廷瑞督率團勇入城守禦城陷截戰陣亡

周位濤州治人咸豐五年賊圍城奉札巡查奸細城陷呼家人來前曰去去奔至城北雙井塘側率子若女先赴水自隨之

冷世茂仁鄉人咸豐三年從周貞恪公勦賊贛州中途猝遇

賊周受傷馬蹶世茂易以已馬遂殿中刃死

周敬敷號渭濱州治人業儒咸豐五年城陷聞變端坐祖堂

賊至脅之降大罵曰

聖天子在上而反何爲者我 盛世儒生恨不能提刀斬汝頭

乃欲我降耶賊怒磔殺之

黃光棠字亮華號心田高鄉雙井人貌魁梧性戇直能明大

義咸豐五年賊至棠督勇爭先奮力直前賊捨之棠厲聲

罵曰長毛賊敢脅我從以遺臭千古乎賊怒刺棠胸氣將

絕猶喃喃呼惡賊時年五十有三入祀昭忠祠

黃正斯高鄉人咸豐五年賊抵雙井官軍屯觀山禦之斯親

義甯州志

卷之二十四

人物志忠義下

九

率子姪自出軍器火葯爲前驅官軍失利斯攜烏鎗被賊

執支解之廬舍盡焚

嚴用宜高鄉人咸豐年間幫辦杭口團始終不懈五年賊至

執戈倡先血戰陣亡

張載颺字鳴周號梧生高鄉懷遠都人州庠生工詩文博覽

羣籍每讀史至張睢陽顏杲卿列傳輒奮然曰時窮見節

義所謂大丈夫者如是如是咸豐五年督辦村團禦賊於

大坳團潰被執死之事聞 優卹輯有四書集字正畫四

卷

章佩垂高鄉石覲坳背人性任俠遇事勇敢咸豐五年垂任

本村團佐賊至督團力禦陣亡

胡松齡字茂聘號雷溪高鄉杭口人議叙八品素仗義急公州牧以團練事委之屢戰有功咸豐五年賊至齡集團勇與賊交鋒於亭子嶺被執不屈死之舉人陳景星有詩弔之曰輕財報國更輕生剩有羅胸十萬兵莫道同人歸劫燼長留浩氣作干城

黃道和高鄉懷遠老書生也咸豐五年官軍堵賊於觀山和率子弟助勦失利和被執不屈賊遂屠之

陳志南高鄉人業儒任俠有奇氣咸豐五年賊至與徐恒成率團堵勦失利賊追至猶挺身赴敵力竭被殺并其眷屬

義甯州志

卷之二十四

人物志忠義下

十

十餘口盡屠之

徐恒成諱建杠高鄉人業儒兼諳岐黃青烏等術咸豐五年賊入境恒成督團禦敵失利賊追至其家時有避難僦居者力禦不及併殺之男婦死者三十餘人

李志明字德新高市人性仁孝五年城陷偕李成樹等巷戰斃賊數名衆寡不敵俱被害

黃繼峻字仲達高市四圖丁田里人咸豐五年

年賊圍州城峻督同西關團守

通遠門城陷巷戰死之

張榮修字輝錦高鄉人儒童咸豐五年賊至將家所存穀米銀錢概捐軍餉城陷與妻陳氏及子女數人同時被害

張友和字燕懷號鸞軒太學生高鄉懷遠都人咸豐五年賊至連日督勇打仗於茶舍鰲嶺等處血戰陣亡

楊祖遙高鄉圖尾人國學生咸豐五年賊至率子姪輩協團勇力禦之失利遙被執不屈死事聞 優卹

饒忠惠高鄉三十六都人在廣西殺賊有功賞給六品頂戴復於湖南殺賊有功賞換五品頂戴咸豐五年告假回籍賊至自備資斧帶團勇連日攻擊殺賊多名駐津頭夜合山賊進接戰逾時力竭而死

車輅字繼暉號乙門高鄉廻坑人業儒博覽靈樞地輿諸書咸豐二年奉札辦團六年賊至輅同叔父振干明珍督團

義甯州志

卷之二十四

人物志忠義下

十一

勇堵勦失利遇害

徐建燦字光餘高市三王巷人咸豐五年賊至親友勸其出城燦應之曰吾輩食毛踐土可勿各發天良圖報萬一平及撲城身受砲傷猶督家人登陴助守城陷與弟建熾建熹子超城超颯姪超基孫自鋒均被害

徐超敏字達明高市三王巷人性耿直遇事有決斷咸豐五年賊至隨官軍守遺清門砲臺晝夜不懈城陷與弟超宗超鳳子自福自祿自松自柏姪孫盈長及妻劉氏姪媳饒氏姪孫媳黃氏均被害

羅福奎字文星州治人咸豐五年髮逆入境辦團捐餉城陷

捐軀

查光楷字書斗號坪石高鄉赤江人生平慷慨樂施歲歉輒轉運平糶稱貸不責償全活貧民甚衆性剛直不事依阿與士君子交則折節下之垂老猶好覽史冊每徵引古人佳處獎勵後進言明而意摯州里重其齒德舉鄉賓咸豐十一年賊入境誦其爲團練長擒之脅之降不屈加以刃罵愈厲賊怒殺之時年八十三

黃大任安鄉人賈於城咸豐五年城陷被執脅裹紅巾大任叱之曰逆賊吾豈甘爲汝屈乎賊遂殺之時年六十五

陳希珍字耀廷高市熊家園人從九職銜原任福建甌甯縣

義甯州志

卷之二十四

人物志忠義下

三

吉陽司巡檢宜炳之孫性耿直少讀書喜談忠烈咸豐五年賊圍城時高鄉擊賊於鰲嶺珍督勇爭先被執脅之降叱之曰我先人世受國恩豈肯爲賊屈節乎賊怒加以刃誓不絕口遂被害與其弟希銓同時陣亡

陳本智崇鄉人咸豐五年粵匪陷城智身先鏖戰奮勇衝鋒力竭陣亡

范傳松安鄉十二都人咸豐五年賊圍城松帶義勇百名守東關迎恩門二十晝夜竭力捍禦城陷死之併其妻許氏子方葛方茗一門殉難

陳世諳高鄉高城源人居城內咸豐五年州城失守與兄世

誅戚溫榮福巷戰陣亡其妻李氏子兆爰女月姑姪兆宣
姑母徐氏皆殉

陳有祥號吉雲泰鄉洋湖人咸豐四年粵賊竄境督團堵禦
十餘戰皆捷維時報功邀獎者千餘人祥不與嘗語人曰
殺賊吾分內事也人生天地間不能爲若父雪仇區區爲
全軀保家計藉此以掠衣冠不亦誣乎五年賊犯城祥率
勇揀援戰於州南死之

郭時早安鄉懷遠都人以軍功保舉藍翎千總同治二年粵
匪寇樂平奉調帶勇進勦力戰陣亡

余揚獻泰鄉四都人咸豐五年粵逆竄境帶勇進勦手斃多

義甯州志

卷之二十四

人物志忠義下

三

賊鑿戰力竭賊支解之事聞詳請 恩卹

董馭六泰鄉櫟田邨人少讀書有大志動引天下事爲己任
嘗慨然曰大丈夫旣不能文又不嫻武徒老田間是虛生
耳因而習騎射講兵法咸豐四年粵賊陷武城迭犯州界
馭六督勇堵禦追至清江澧溪地方七戰皆捷明年夏賊
由上游突入薄城下馭六奉調守城城陷奮勇截戰力窮
死之

周奉盤州治人咸豐五年城陷賊擁入奉盤登樓擲瓦缶擊
之賊怒擒斬於市

周必伸州治人咸豐五年粵匪陷城必伸被擒罵不絕口被

害

傅鍾銚字象文泰鄉三都人咸豐四年粵匪犯境率男鼎珪隨官軍堵禦失利賊追至家併其父上榮俱殺之三代同時殉難聞者感嘆其親弟鍾鏢亦於是日陣亡

傅鍾誦泰鄉三都人傅姓督隊團首粵匪犯境屢戰爭先咸豐五年四月帶勇入城守禦城陷巷戰陣亡其親弟鍾詢及族中子弟均殉

黃大鰲字步廷泰鄉三都人咸豐四年粵寇屢犯鰲奮力爭先斬馘無算五年奉調入城守禦城陷死之

陳國讓泰鄉洋湖人咸豐四年粵匪踞武城帶勇隨官軍克復保舉從九五年粵匪犯境督勇入城防守城陷血戰陣亡

義甯州志

卷之二十四

人物志忠義下

十四

鄭光輝泰鄉梁口人咸豐四年粵寇犯境輝率勇堵勦炮傷立斃

邝若三大品軍功咸豐五年葉州牧札委督勇協守西門五月城陷巷戰力窮死之其妻鄧氏及女二孫女二同時被害

陳廷元高鄉人咸豐五年粵匪犯境偕其父芸督勇迎戰獲捷旋大股擁至與弟廷彥爭先陷陣死之

龔千瑞武鄉三十二都人咸豐五年四月粵匪撲城隨入叠

巡檢吳帶勇救援迎戰於城西五里坳身先士卒被賊擒殺

呂懷德字日新武鄉人從九職生平慷慨慕義咸豐五年四月粵匪圍城隨入疊巡檢吳銅鼓都司張帶勇救援戰於五里坳殺賊多名賊伏兵四起被擒罵不絕聲賊叢刃之事聞

賜卹世襲雲騎尉

監生謝桂榮字旭升武鄉人生平任俠仗義咸豐四年粵匪由新昌撲境桂榮督團至山口市被執不屈賊支解之

吳定元武鄉銅鼓人咸豐四年由軍功保舉六品五年粵賊

義甯州志

卷之二十四

人物志忠義下

五

圍城隨張都戎帶勇揀援接仗於五里坳同時殉難

余揚蓮泰鄉梁口人咸豐四年粵匪犯境帶勇防禦有功獎給八品頂戴五年城陷揚蓮麾兵截戰力窮被害其兄弟揚圻揚靖揚望同殉

余自星州治人生平任俠好義咸豐乙卯四月粵匪圍城率家人登陣守禦晝夜靡懈五月初九城陷與妻邢氏孫厯杏俱殉

余履亨字青選號竹莊泰鄉安平港人咸豐四年粵匪撲城帶勇堵禦賞給六品頂戴五年城陷偕弟先榮自烈血戰陣亡

梁義方號竹圍高鄉葉源人性孝友樂善好義咸豐四年粵匪竄擾奉札辦團力守要害州牧葉保舉軍功六品五年四月賊大股徧境偕姪人雄督勇勦禦人雄血戰陣亡方力竭被執賊脅之降罵曰今日之事有死而已無多言遂以頭觸石而死

陳泰任熊偉京李發遠俱住城內咸豐五年賊撲州城隨官軍守遺清門凡廿一晝夜不懈城陷各家父子兄弟夫妻計二十餘口均被害

熊曜千兄弟陳兆師董老四城內同居咸豐五年城陷歎曰賊能虐生不能虐死闔門縱火自焚同時殉難者十餘人

義甯州志

卷之二十四

人物志忠義下

十六

城復宅後檢尋遺骸猶有母子相抱不解者

徐禮元住城內咸豐五年賊至自誓與城存沒子超祥超富均同時遇害

劉軻初高鄉白沙人充城守營書識咸豐五年城陷巷戰死之

李星明泰鄉洞坑人勇力過人咸豐五年聞楚匪之警攜子茂傳入城投軍巡守盡力城陷巷戰父子俱陣亡

謝榮九州屬人咸豐六年五月二十一賊竄萬載縣上坪地方遇賊被殺

朱組績號丹山泰鄉懷遠都人武舉咸豐五年五月初九城

陷督勇巷戰陣亡

黃學海諱大相犀津人久賈於城內咸豐五年賊至學海傾囊濟餉率衆登陴守助晝夜不懈城陷巷戰死之並弟大錦姪繼烜繼遠遇文繼龍繼祥學勤俱血戰死

陳粹善泰鄉八都人咸豐五年逆匪撲城粹善督團救援戰於吳都力竭死之賊搜衣帶間獲勇冊甚叢鏑亂斫體無完膚時年六十八歲同里余自鄣馬孝瑞均殉城復詳請給卹

王高陞崇鄉四十九都人咸豐三年西匪竄境陞以鄉團勇隨委員樊川禦賊太平嶺血戰陣亡

義甯州志

卷之二十四

人物志忠義下

七

李華章高鄉上杭人住州城咸豐五年夏四月寇至奉州牧葉札飭帶勇防守廣魁門歷二十晝夜不少懈五月初九日城陷華督勇堵口身先拚鬪力窮死之事平請卹

曾彩春泰鄉一都人咸豐五年賊撲州城春奉札帶勇守禦北門城陷力戰不克死

龔奏和號筠生安鄉十二都人軍功六品咸豐三四年粵逆由武甯犯境奏和督勇堵禦丁家坳賊不敢入五年賊撲城奏和率鄉團堵截大灣山與賊對仗斃賊多名七月隨劉鎮憲克復州城籌辦糧餉日夕不少怠旋以勞卒於軍

易華炳安鄉人咸豐五年城陷與姪遠棟遠志遠孚均被執

私議曰今日之死定矣可陽奉之而伺其隙遂聽賊指揮
稍久賊信之用以執纛旋以毒餌賊死賊二十餘人易亦
自盡

龔享遠咸豐五年城陷與弟享煜享球享錦享鈞享銑均被
執大呼曰今日之事速死而已豈從賊耶賊怒殺之族弟
享房姪延錦延錠延笙火夫楊上標周大義皆及於難

龔干業安鄉人咸豐五年五月賊圍城堵禦南門與賊戰於
馬家洲勢弱不支與弟干昇干永力戰陣亡所部勇丁徐
自信自河黃均城邱義謀龔享漆享柏嚴隆魁熊植庭張
文煥龔享柳干林劉象閻象柏會川龔干榜均戰死城陷

義甯州志

卷之二十四

人物志忠義下

六

干永妻黃氏子代忠姪女張姑亦遇害

范富汴安鄉長茅人與弟富浴富淵以業居州治其鄰李加
果亦兄弟四五人咸豐五年五月賊撲城富汴共酌酒爲
誓防守東關百計抵禦城陷均力戰死加果之兄弟名加
榮加桂加森餘失名者二

龔世憲安鄉人居州治性誠慤無市井氣咸豐五年賊撲城
世憲持械出禦家人阻之不聽登城中飛砲死其子享汪
姪享江慟甚躍城而下駢斬數賊皆戰沒世憲弟婦徐氏
與孫女完貞城陷亦罵賊死

龔享旭劉青照共設酒肆州治咸豐五年賊撲城竭力堵禦

城將陷商之曰我輩卽死安能殺賊惟置毒酒使之自斃
或勝巷戰耳於是市砒礪甕中如式封固城陷二人皆遇
害其鄰有伏夾墻得生者初聞賊暢飲聲大譁旣而吐瀉
聲不絕密啟縫視之羣賊中毒死矣出述其狀如此

熊登淮銅鼓營委弁也居聯壁門咸豐五年城陷與哨長周
忠財徐肇訓龔亨恒姜遠清龔延蘭徐盈束龔千金七人
謀曰吾死分也然必殺渠魁而甘心焉於是匿於夾室適
僞丞相鍾賊住其地夜半突出以短兵擊之不中皆遇害
熊益純咸豐五年時年逾八旬城陷與子起昭起享姪起熹
起棠孫穎慶孫媳饒氏均殉

義甯州志

卷之二十四

人物志忠義下

五

陳宜恭武鄉人劉雨膏奉鄉人皆業醫咸豐五年城陷並先
諸人投井鄰居韓耀堃謝步高龔享奎享梧徐肇進龔世
位喻彥榮金盛德龔延香均赴義死焉

查易煥高鄉嵐郵人少有血性嘗負笈從父騰芳學讀書至
志士不忘在溝壑二語輒嘆曰大丈夫不當如此立志耶
咸豐四年三十母殺雞與食轉奉母謂身爲男子至壯猶
不能顯揚焉用此爲母諭以生日宜祀祖乃食之逾年粵
匪撲城知州葉徵兵勦禦煥慨然杖戈應之督兵守通遠
門二十晝夜不少懈城陷與其叔光富血戰死

徐懋宿字拱辰高鄉人議叙從九咸豐五年粵逆撲城奉札

督勇巡守晝夜不懈五月初九城陷率其弟懋官懋安懋
仁衝鋒鏖戰力竭不克死

詹象新武鄉人咸豐五年五月初三日隨張都戎吳巡司督
勇赴援州城對仗五里均賊鋒愈銳力不能支血戰陣亡
徐盈琮居州城咸豐五年城陷挺身赴戰力竭不克死其母
胡氏妻李氏孀雷氏嫂梁氏余氏梁氏姪女圓姑闔戶俱
自盡

周福居城南咸豐五年城陷福升屋以磚石擊斃數賊賊怒
叢殺之妻徐氏亦同時遇害

盧希珍居州治咸豐五年城陷血戰身亡其母朱氏妻蔡氏

義甯州志

卷之二十四

人物志忠義下

三

媳魯氏同殉

袁郁瑞武鄉東潁人咸豐五年夏四月賊圍州城郁瑞登陴
守禦五月初九城陷力戰陣亡

莫遵禮州治人咸豐五年城陷謂妻張氏曰吾不使爾輩辱
於賊也妻與長子遂投井禮抱幼子死於池二子一名恭
賜一名恭保

周福田周瑞階周玉振俱西鄉桃溪港人咸豐五年四月十
五日粵匪竄境同副戎鄒督團勇於南樓嶺陣亡瑞階子
慶任亦同時被害

童德平西鄉人設肆州治咸豐五年粵匪陷城偕妻傅氏子

絢一均赴難死之

樊流遠樊鳴谷仁鄉入陡嶺人力能搏虎咸豐五年賊至隨鄉勇進勦大呼鏖戰手斃數十賊力窮同時死之

桂國水西鄉人咸豐四年隨吳都戎水師援勦饒州不克陣亡

龔延柳黃岡人有膽畧偕母王氏寓州城咸豐五年賊至刺史葉公墓爲藍旗守北門城陷見母泣曰兒不爲母有矣母曰爾爲義民吾有子矣揮之去柳不忍別母怒曰爾將束手受縛乎遂引刀自刎柳大哭再拜賊突入奮怒與鬪殺數人力竭而死

義甯州志

卷之二十四

人物志忠義下

三

鄭光集安鄉箔竹人咸豐八年隨安越軍勦匪浙西陣亡

鄭光奎光椅安鄉箔竹人咸豐九年隨大軍進勦四川陣亡

鄭均棕均策安鄉箔竹人同治二年隨精毅營勦匪石城陣亡

黃德興武鄉人咸豐十一年四月賊犯銅城土地均卡力戰陣亡

邛志佐武鄉人同治四年叛勇竄銅城力戰死之

張象珠奉鄉人咸豐五年夏四月粵逆逼城奉札帶勇防堵五月初九城陷偕二子仁法炳法血戰陣亡

張紹前高鄉人少有至性讀書能明大義咸豐五年夏粵匪

撲城奉札防堵日夕不懈五月初九城陷偕妻黃氏子郁華均赴陣死之

李芝泰典吏也咸豐五年城陷被執賊逼之降泰罵不輟賊殺之懸首於竿兩日作怒視狀賊懼而掩之

古和州治壯役也咸豐五年五月被賊執脅之從和佯許之越二日賊近城和見城上兵丁大呼曰汝等宜死守賊糧盡不能五日留賊怒立斬之

袁裕昭謝步發清江人商於甯咸豐五年賊至飭二人爲團總分守城門城陷率勇力戰不克而死

鄭光祖高安縣監生商義甯渣市好施予咸豐五年賊至仁

義甯州志

卷之二十四

人物志忠義下

三

鄉挺身赴敵遇害

侯玉峯直隸人州牧葉公門客也有幹畧識大義咸豐五年五月城陷被執不屈死之

洪超伍安徽涇縣監生寓城西業商咸豐五年夏粵匪撲城超伍奉州牧札諭晝夜防守歷久不懈城陷超伍不屈而死其兄錫佳子汝浪及親屬吉遂吉鵬吉祥合玉邁祥獻祥暢祥裘祥錫可誠意汝拔汝般等闔門同殉

羅震東渣津人少負勇力好行義舉咸豐四年粵匪犯境招集壯士數百扼太平嶺隘口堵禦以安十一年夏六月率團殺賊會寇大至仗隊不勝身先陷陣賊擄至官溪誘之

降不可賊以及加其項云降則免死益復大聲罵賊不屈
遂遇害

帥文盛字養平崇鄉人素有膽畧不畏強禦咸豐四年粵匪
犯境文盛率團堵禦眾寡不敵被擒賊以及加頸問里中
富戶姓名不答問往城路徑亦不答厲聲曰吾有死而已
肯媚賊乎遂遇害

何達級字允貞號星階州治人軍功咸豐五年賊圍城急帶
勇堵守秀水門城陷死之

何達經字守和號殷仙州治人咸豐五年監造火葯保給九
品頂戴城陷與賊巷戰而死

義甯州志

卷二十四

人物志忠義下

三

周俎秋字月中崇鄉溪口人咸豐十一年粵匪竄境合家避
入山谷黃姓家賊旋搜山倉皇四散時祖母年八十餘急
未扶出意欲竊負而逃賊以爲伺己也遂逐殺之

游世美住城內咸豐乙卯五月初九城陷與妻劉氏子達初
媳謝氏死之

城鄉陣亡姓名附自咸豐三四五年起至同治四年止

徐建卓 徐建陞 徐建高 徐建墀 徐建陽 徐建由

徐建永 徐建梓 徐建和 徐建聰 徐建意 徐肇敏

徐肇登 徐肇炳 徐肇林 徐肇棋 徐肇樸 徐肇鏗

徐肇欽 徐肇錦 徐肇鈇 徐肇錄 徐肇鏡 徐肇鈞

徐肇鎔 徐肇端 徐肇焯 徐肇秉 徐肇耀 徐肇輝

徐肇備 徐肇熙 徐肇淼 徐肇勤 徐肇菊 徐肇成

徐肇雪 徐自遠 徐自雲 徐自拱 徐自發 徐自周

徐自奎 徐自元 徐自都 徐自仁 徐自田 徐自叔

徐自效 徐盈富 徐盈俊 徐盈哲 徐盈泰 徐盈礎

義甯州志 卷之二十四 人物志忠義下 三

徐晉西 徐純青 徐素存 徐履義 徐肇富 徐肇發

徐榮祖 徐正偉 徐自先 徐自英 徐盈金 徐盈杭

童文泰 童文平 童絢神

莫謹干 莫忠模 莫遵玉 莫遵義 莫允杰 莫遵據

莫義松 莫允板 莫允連 莫宗和 莫忠槐 莫遵榮

莫騰芳 莫遜機 莫象坤 莫允琚 莫遵一 莫允本

莫允烙 莫忠藻 莫忠黃 莫忠林 莫允祖 莫允鑑

莫韻和 莫遵渭 莫忠全 莫忠雲 莫遵溶

王文達	王宗光	王國元	王伊光	王國言	王柏林
王春元	王拱南	王先祖	王家顯	王家倬	王家標
王家發	王紹槐	王景瑚	王大智		
胡崇今	胡崇覺	劉英其	劉英計	劉英謨	劉起容
陳本連	陳濟耕	陳效軒	陳泰生	陳厚滔	陳厚泰
陳世保	王俊錦	陳祖淵	陳和鏡	陳和浣	陳和魁
陳和雲	陳和暢	陳和丁	陳和玖	陳和德	陳希珍
陳希全	陳泰申	陳泰晉	陳泰孚	陳運振	陳運訓
陳德金	陳步雲	陳開琪	陳和簡	陳顯明	陳瑞明
陳勝茂	陳應光	陳彩卿	陳玉全	陳玉辛	陳玉宗

義甯州志

卷之二十四

人物志忠義下

三五

陳觀彩	陳觀恒	陳後鏞	陳後鐸	陳後鵬	陳後富
陳後廊	陳後旭	陳後干	陳後涎	陳家喜	陳煥綜
劉起綱	劉起錫	劉起傳	劉起麟	余揚波	余揚經
余揚俊	余揚圃	余揚榮	余自泮	余揚發	余自成
丁燦東	丁定成	丁尺五	丁亮采	丁墨章	丁揚夫
丁登高	丁富安	余自茂	余世徹	周典煥	周典倫
周加曰	許百龍	陰復劄	查連科	查連平	查占謙
黃立朝	黃仁義	黃能讓	黃風普	黃風良	黃光瑞
黃光金	黃大發	黃大成	黃正清	黃光桂	黃治材
黃治楷	黃曲成	黃光森	黃元東	黃英福	黃均吉

黃恩祥 黃萬梧

馮羽望 馮羽斗 吳成松

周大璜 周大炤 周美榮 周仁貴 周大朝 周欽元

周慶良 周大國 周宜樟 周宜桂 周宜谷 周宜照

周為和 周加喜 周典意 周先漢 蕭方典 劉維卿

吳仕金 吳仕玉 吳仕孔 吳仕傑 吳成鳳 吳成才

吳成普 吳景璜 吳景福 吳永義 吳永常 吳還富

徐廷虎 王又喜 徐廷龍 徐毓淮 徐煥文 羅隆吉

饒中情 饒中憶 饒中愷 饒家元 饒念初 饒惟干

義甯州志 卷之二十四 人物志 忠義下

三

饒惟佑 饒惟烈 饒惟良 饒惟高 饒惟發 饒惟朋

饒惟尙 饒惟毅 饒惟林 饒忠悌 饒忠稷 饒忠貴

饒忠清 饒忠一 饒忠遠 饒忠元 饒忠盛 饒忠言

饒忠意 饒忠學 饒忠寬 饒會階 饒念益 饒念盤

饒念莫 饒壽雲 饒作初 饒克景 饒忠智 饒作富

饒作浩 何典超 何祖蔭 何繼拔 何繼扶 何繼紅

何繼昆 何祖德 何祖連 何裕元 何祖貽 何繼光

曾發明 曾發堂 曾發興 曾正敷 曾宗球 曾家瑞

曾家欣 曾宗真 曾正吉 曾九二 曾芳雨 何曉超

何繼先 何貢超 何燦廷 何繼發 何謨超 何繼江

何早超

何繼恩

何繼堦

何繼珊

何繼宗

何繼瑣

何繼湖

何繼福

何繼珪

何繼法

何繼祈

何性超

何繼煊

袁郁洸

袁珊周

袁洞周

袁古牙

潘勝道

潘厚道

潘崇林

潘崇發

何眉超

張培法

張晉修

張功修

張則旭

張則蘭

張則欽

張則勳

張香舉

張騰相

張應相

張榮修

張畿合

張實法

張隆修

張賦初

張才偉

張雅文

張榮漢

張畿炬

張畿松

張介眉

張達泗

張懷真

張懷淇

張懷林

張懷柏

張懷桐

張畿才

張良英

張勝玉

張元星

張元泰

張元秀

義甯州志

卷之二十四

人物志忠義下

七

胡效泗

胡榮恩

胡東會

胡達書

胡伊惠

胡伊恕

胡伊禮

胡思善

胡伊景

胡映青

胡周傳

胡效晏

胡效暝

胡其富

胡三汲

胡巨川

胡星平

胡榮秋

胡專一

胡景維

胡慶維

胡采藻

胡元勳

胡木華

胡懷賢

胡人柱

胡則壽

胡瑞春

胡洪贊

胡其中

胡奉圭

胡禮東

胡吉星

胡宇賢

胡萬邦

胡桃賢

胡朋三

胡賢英

查墨林

查連耀

查占圖

查連芳

查連經

查連璧

查任賢

查揆萬

查思樂

查菊原

向成章

向益樹

向玉書

向厥盛

向厥順

向厥滿

查占鵬

何繼善

范立坤

范立華

何景超

何時超

向源輝 向源炫 向源熹 向源炳 向源煥 向源錦

向蘩木 梅家亨 梅聲達 梅安勝 梅家乾 李得勝

陳勤學 陳勤試 陳慶初 陳泰時 陳泰院 陳泰隆

李勝言 李海洋 李厚成 李厚勳 李平傳 李壽傳

李賓傳 李家寶 李家煦 李家照 李家炯 李家煊

李家炆 李家煥 李家俊 李家成 李家鎮 李家錠

李家聰 李家桂 李家楹 李家森 李家果 李家詰

李家諷 李家詠 李家堡 李家湟 李詔遠 李發遠

李登金 李登通 李修才 李岐山 李修炳 李修韶

李修讓 李修梓 李修吉 李修任 李才煥 李才章

義甯州志

卷之二十四

人物志忠義下

三

李端吉 李英華 李象五 李玉清 李本立

葉惟昭 葉明典

石讓升 石忠信 石惠春 石煥章 石受清 石六芳

石大康 石本銑 石道仁 石道椅 石道裡 石理耀

石理熊 石成文 石晉彭 石文 陳泰明 劉肇武

鄭本敏 鄭本理 鄭本煥 鄭本球 鄭本珊 鄭本瑛

鄭本瑄 鄭本先 鄭光景 鄭光朋 鄭光最 鄭光昇

鄭光樸 鄭光衿 鄭光禔 鄭光復 鄭光斗 鄭光霽

鄭光福 鄭光料 鄭光炳 鄭光煜 鄭光月 鄭光煥

何元超	何繼耀	何繼恆	何用先	陳安琪	鄭均錫	鄭光獻	鄭光紳	鄭光照
何盛超	何繼柏	何繼南	何玉山	劉肇本	鄭均質	鄭光榮	鄭光乾	鄭光海
何明貴	何繼祥	何繼達	何繼寬	胡逢書	鄭佩四	鄭光炘	鄭光定	鄭光清
何潤泉	何繼高	何繼堂	何繼源	范永柏	鄭美東	鄭均福	鄭光仁	鄭光增
何國樞	何勝先	何繼遠	何繼文	范永光	鄭才萬	鄭均海	鄭光龍	鄭光采
何達訓	何仍超	何繼初	何繼恩		范永春	鄭均浣	鄭光懷	鄭光縉
何孔陽	何經昭	何貴昭	何水保					
何應魁	何勝魁							

義甯州志

卷之二十四

人物志忠義下

三

劉福增	劉福全	劉福麒	劉福柳	劉福燧	劉禮元
劉福亨	劉福利	劉福貞	劉詔來	劉詔林	劉詔恭
劉詔怡	劉詔文	劉肇壽	劉肇祥	劉肇槐	劉肇林
劉慶吉	劉慶祥	劉慶瑞	劉才祚	劉炳祚	劉醴香
劉輝斗	劉世發	劉繁菊	劉霞青	劉正友	劉清濂
劉玳章	劉維蘭	劉秉益	劉映甫	劉潤廷	劉有高
劉安琅	劉安佑	劉安祥	劉安泰	劉忠厚	劉忠昆
范永享	范永歡	范永福	范永達	范公貴	范立富
董實武	董功水	董緒雄	董緒洪	董緒良	董陵臨
董陵慶	董德江	董德河	董德順	董德六	董德以

董德仁	董令文	董令武	董令祥	董令葵	董令信
董令曠	董令忠	董令貞	董令泗	董令淵	董令乾
董令義	董令訓	劉安福	劉安裔	劉安景	劉安台
劉炳南	劉瑞章	劉安清	劉敬三	劉正有	劉安易
龔享波	龔享俊	龔享樂	龔享東	龔延椿	龔延發
龔延達	龔干澍	龔干耘	龔干菊	龔干炳	龔干杰
龔干琬	龔干讎	龔干欽	龔干餘	龔干炳	龔干貴
龔干璵	龔干佩	龔干水	龔干湍	龔干椿	龔干懋
龔良瓊	龔代貴	龔代爵	龔代埔	龔代塘	龔代節
龔循盛	龔循禮	龔銅生	龔鐵生	龔湖保	

義甯州志

卷之二十四

人物志忠義下

三

熊登槐	熊登懷	熊登翔	熊登爵	熊登棠	熊登道
熊登治	熊高樸	熊高平	熊高泰	熊高穉	熊高發
熊高福	熊高象	熊高風	熊高德	熊高桴	熊高模
熊高鳳	熊高宏	熊高成	熊高松	熊高三	熊高湖
熊高極	熊高泰	熊高山	熊高全	熊偉春	熊偉拔
熊偉鶴	熊偉樹	熊偉發	熊偉茂	熊偉禮	熊偉梓
熊偉懋	熊偉成	熊偉獻	熊偉德	熊偉盛	熊偉環
熊偉光	熊偉槐	熊柏然	熊高然	熊壽然	熊隆然
熊松然	熊德然	熊笏然	熊洪然	熊端然	熊槐然
熊棋然	熊會然	熊定然	熊鳳然	熊滿然	熊夢然

熊浩然 劉肇貞 熊淵然 熊芬然 熊福然 熊希然

熊思然 熊廷然 熊清然 熊莫然 熊然輝 熊然和

熊然福 熊然喜 熊師忠 熊師明 熊師茂 熊師還

熊師亦 熊師六 熊師堵 熊師燕 熊師舫 邱天材

熊師全 熊師棠 熊師玉 熊師富 熊師韜 熊師惠

熊師寬 熊師樂 熊師鐸 熊師李 熊師慈 熊準然

熊聖望 熊起文 熊輝望 熊貴望 熊報望 熊生望

熊望春 熊望興 熊起濤 熊起亭 熊起喜 熊起榮

熊起俊 熊起銓 熊起銓 熊起中 熊起班 熊起南

熊起尙 熊起泰 熊光慶 熊永慶 熊餘慶 熊滿慶

義甯州志

卷之二十四

人物志忠義下

三

熊初慶 熊附慶 熊善慶 熊隆慶 熊朝慶 熊芬慶

熊蘭慶 熊豐慶 熊銓慶 熊慶增 熊慶申 熊夢叶

熊夢吉 熊夢祥 熊春芳 熊衍發 熊傳開 熊德遠

熊步聲 熊源茂 熊仲華 熊達三 熊春茂 熊仕高

熊光達 熊崇珠 熊佐周 熊浪干 熊孔昭 熊友蘇

熊先達 熊萬保 熊觀生 熊石生 熊姜生 熊有文

熊谷勲

余自芥 余自漢 余自許 余自友 余自田 余自疏

余自茹 余自慕 余自芫 余自連 余自三 余自汲

余自波 余自滴 余自汪 余自淇 余自龍 余自虎

余自端	余自漣	余自沾	余自彥	余自傑	余自汁
余自冽	余自汎	余自育	余自開	余自山	余自資
余自明	余自海	余自潮	余自昭	余自吉	余自浩
余自希	余自聖	余自寬	余自浙	余自江	余自麟
余自林	余自信	余自勝	余自騰	余自蘭	余揚昭
余揚訪	余揚笏	余揚彩	余揚勝	余揚春	余揚升
余揚清	余揚葛	余揚誅	余揚論	余揚軒	余揚標
余揚椿	余揚發	余揚朋	余揚典	余揚謨	余揚魁
余揚柘	余揚恕	余揚思	余揚珍	余歷進	余歷煌
余歷偉	余歷生	余歷繼	余歷發	余歷蒙	余歷興

義甯州志 卷之二十四 人物志忠義下 三

余歷龍	余歷鳳	余歷基	余歷型	余歷峰	余歷寅
余歷箕	余德宛	余德宏	余德諱	余德先	余德任
余德烈	余德潮	余德良	余德諭	余德琅	余希叔
余毓馨	余汀蘭	余撫辰	余卜亨	余巨材	余和樂
余善長	余輝霞	余于蘩	余有思	余琳	余榜
余亦松	余亦早	余得榮	余世安	余亦葛	余恆直
周樹陞	陳祖奇	陳祖普	劉試雄	毛禹玉	毛河猷
查光實	查光柳	查光宇	查易禮	查易章	查易殷
查易星	查易健	查占發	查占閏	查占會	查占府
查廷瑞	查坪石	查可成	黃光槐	黃光森	溫茂珊

姜大奐	姜世瑚	姜代綸	姜代縉	姜和泰	盧谷升
盧賡成	盧有光	盧懷岳	盧學稻	盧文洋	盧福臨
盧盛謨	盧光華	盧省章	盧才閎	盧宗玉	傅鼎才
盧鼎吉	傅彩鳳	傅象春	傅自爾	傅玉華	傅錫五
傅金堂	傅鼎發	傅鼎傳	傅譽謙	傅譽聘	梁梓秋
梁梓樸	辜映明	辜高華	辜高瓚	邛堪選	邛志禮
邛堪連	邛錄茂	邛錄享	邛錄才	邛添洪	邛國棠
楊祖池	楊德風	楊德宋	楊照白	楊姜白	楊維春
許體明	許貴發	許貴泗	許孝調	彭起發	彭敏秋
謝旭中	謝承滿	謝日墉	謝日壩	謝日藍	謝茂瑞

義甯州志

卷之二十四

人物志忠義下

三

謝茂材	謝茂章	章水南	章萬虎	章象書	姚洪臣
姚殿元	姚方臣	汪康慈	汪丹成	汪耀宸	汪卜梅
汪明干	繆立邦	繆立惠	樊純寶	樊明均	樊希成
涂承宗	涂宜發	涂承玉	涂承星	涂先福	古元揚
古良發	古饒崇	范秀元	范興茶	范茂才	范茂富
范昌平	鄧高士	鄧光才	冷德倫	冷芬梅	冷德盛
冷德九	冷恩惠	冷世香	郭興意	郭自謙	郭有瀚
郭有宜	郭時典	郭時謨	郭時訓	郭時乾	郭時清
郭利高	郭利清	郭紹柏	潘啟鳳	潘鳳鳴	潘勝福
程家東	程秀經	程希早	鍾正恒	鍾正葵	鍾文維

鍾文達 鍾希柏 鍾希士 鍾石生 葉才遠 葉成鳳

羅福仁 羅克武 車經紹 車謙益 車冠羣 車元吉

車清和 車德振 車寬舒 鄒家萬 鄒家仁 鄒家金

溫昌泰 溫必全 溫剛大 魏英月 魏偉恭 魏友三

孔京山 袁廷懷 易華熙 方寬成 曹懷川 瞿守鳳

呂仕湖 段紹光 朱萬典 金先良 廖其長 甘茂恭

詹耀祖 詹遇風 詹敬章 包新才 包和仁 包新發

包象林 包大恭 包耀林 包以清 包元選 包新保

梅耀其 賴朝祿 朱鈞和 周緒階 徐盈鐸 陳潤發

周承露 劉安全 萬世梧 萬昌燦 辜高李 辜高璋

義甯州志

卷之二十四

人物志忠義下

十四

辜高珪 辜崇佩 辜崇沆 辜郁光 辜繩玉 商邦翰

蘇德清 游星高 冷元儒 桂賜華 桂水清 曾用選

王俊溢 王步青 王詩得

桂東滙 桂邦梅 桂國虎 桂抑洪 桂儲雪 桂自華

桂儲華 桂超金 桂尊三 桂方成 桂廷典 桂彩中

桂彥從 桂義川 桂邦志 桂任和 桂有萬 桂榮萬

桂國青 桂國誥 桂國劉 桂啞子 桂邦青 溫華章

溫按文 溫崇瑞 溫盛吉 溫茂禧 溫華棣 沮華貞

溫茂坎 溫華炫 溫茂瑚 溫榮初 溫榮祧 沮華雲

溫華探 溫茂智 溫華珠 溫榮城 溫茂發 沮華陸

殉難書吏

吏房王占魁 盧進珠 王和彥 張元英

戶房周慶雲

禮房夏占元 周慶龍 榮定沅 徐愛冬 周慶遠

夏雨甘 周慶瑞 夏鎮梅 陳德齡 周榮光

兵房朱炳炎 周文美 傅朝選 徐咏清 張春發

邨文炳 温祥瑞 王俊卿 徐樹聲 曾玉和

胡兆祥 周美吉 傅求明 胡周茂

刑房鄧道生 桑旭初 傅玉源 梁際盛 陳嘉言

招房陳翰章 何致祥 周召南 胡恢紹 胡恢緒

義甯州志 卷之二十四 人物志殉難書吏 五

張佳林 傅文經 朱素存 胡上林 黃明智

盧進忠 許鯤化 傅利先 嚴思善 王化純

周鴻恩

工房楊元春 向厥廉 徐定升 朱文魁 楊景星

查寶樹

承發房幸廷玉 袁瑞恒 余映辰 張迪和 何步塔

查懷榮 陳毓仁 楊逢春 劉耀蘧 楊明泰

劉光華 陳敏仁 朱鈞愛 何福秋 楊國昌

周瑞森

架閣房周景星 周緒葛 匡濟中 周本禧 匡鑾升

石孟清 張鴻禱 黃松茂 周正本 周慶階
李文光 陳聽齡 徐景輝 周克乘 周緒發
陳履成

倉房查銘勳 蔡緝光 羅寶山 余鶴春 游廷瑞

羅寶岑 余廷升

庫房温盛祥 傅鼎鋒 徐成玉 熊高春 徐盈煊

張奏勳 何有章 吳齊坦 張允元 黃成信

陳愛惠 温瑞中 張有純 羅萬成 陳胡兆

石大康

值堂房艾中麟 張呈禧 余信誠 盧徵吉 徐步達

義甯州志

卷之二十四

人物志 殉難書吏

三

艾文益 徐請益 艾文學 張鳳書

案房周育春 范鵬齡 戴化南 張安仁 徐化南

張世泰 甘煥文 丁述善 傅三元 徐得朋

李先發 陳誠實 繆叙五 羅時化 羅文煥

張金鑒 甘文益 張德夫 邵汝霖

舖長房汪質堅 汪炳堃

號房詹逢恩 幸化龍 王樹春 王觀化

商人殉難姓名

宋九郁 陳為章 張治賓 高宗紹 鄒如彭 鄒德輝

鄧漢秀 李惠新 楊啟象 楊啟長

俱奉新縣人

胡增福 胡蒼松

俱靖安縣人

鄭光福 鄭作孚 鄭光遴 鄭作拔 鄭作萬 鄭作貴

鄭作榜 鄭作茅 鄭作禮 鄭求貢 鄭求廣 鄭光初

鄭光元 王先達 涂及第 胡三榮 黃朝勝 熊紹楊

俱高安縣人

義甯州志

卷二十四 人物志忠義

三

張志祥 姜元受 姜洪茂

俱福建人

范永元 范永亨 黃老三 官祥盛 張效忠

俱籍貫未詳

咸豐間義甯殉難男婦不下數萬餘人茲據各鄉採訪報聞者悉為載入餘姑缺之

